

Offerynnau statudol negyddol arfaethedig sydd ag adroddiadau clir

16 Tachwedd 2020

Pn(5)36 – Rheoliadau Asesiadau Amgylcheddol a Chynllunio Gwlad a Thref (Diwygiadau Amrywiol) (Cymru) (Ymadael â'r UE) 2020

Gweithdrefn: Negyddol arfaethedig

Mae'r Rheoliadau Asesiadau Amgylcheddol a Chynllunio Gwlad a Thref (Diwygiadau Amrywiol) (Cymru) (Ymadael â'r UE) 2020 ("y Rheoliadau") yn cael eu gwneud drwy arfer y pwerau a roddir gan baragraff 1(1) o Atodlen 2 a pharagraff 21 o Ddeddf yr Undeb Ewropeaidd (Ymadael) 2018 ("Deddf 2018") er mwyn mynd i'r afael â methiant cyfraith yr UE a ddargedwir i weithredu'n effeithiol oherwydd ymadawiad y Deyrnas Unedig â'r Undeb Ewropeaidd. Mae'n ofynnol, felly, eu gosod at ddibenion sifftio. Yn unol â gofynion Deddf 2018, mae'r Gweinidog wedi gwneud y datganiadau perthnasol fel y nodir yn Rhan 2 o'r Atodiad i'r Memorandwm Esboniadol sy'n cyd-fynd â'r Rheoliadau hyn.

Mae'r Rheoliadau hyn yn gwneud diwygiadau i ddau offeryn statudol:

- SL(5)328 – Rheoliadau Asesiadau Amgylcheddol o Gynlluniau a Rhaglenni a'r Asesiadau Effaith Amgylcheddol (Diwygiadau Amrywiol) (Cymru) (Ymadael â'r UE) 2019 ("OS Brexit cyntaf")
- Rheoliadau Cynllunio Gwlad a Thref (Diwygiadau Amrywiol) (Cymru) (Ymadael â'r UE) 2019 ("ail OS Brexit").

Roedd y ddau OS Brexit cyntaf yn gwneud diwygiadau amrywiol i ddeddfwriaeth yn ymwneud ag asesiadau o effaith amgylcheddol a chynllunio gwlad a thref i sicrhau bod modd parhau i weithredu'r llyfr statud ar ôl i'r DU ymadael â'r UE, ac roeddent yn ymdrin â diffygion yn neddfwriaeth ddomestig Cymru sy'n deillio o ymadawiad y DU â'r UE. Gwnaeth yr OS Brexit cyntaf hefyd fân ddiwygiadau i ddeddfwriaeth bresennol sy'n deillio o ofynion yr UE.

Mae'r diwygiadau a wnaed gan y Rheoliadau'n adlewyrchu'r cyfnod pontio yn Erthygl 127 o'r Cytundeb Ymadael. Bydd y cyfeiriadau presennol at "y diwrnod ymadael," sef 31 Ionawr 2020, yn cael ei newid i "diwrnod cwblhau'r cyfnod gweithredu", sef 11pm ar 31 Rhagfyr 2020.

Cafodd y Rheoliadau hyn eu gosod at ddibenion sifftio o dan Ddeddf yr UE (Ymadael) 2018 yn unol â Rheol Sefydlog 27.9A.



Y Ddeddf Wreiddiol: Deddf yr Undeb Ewropeaidd (Ymadael) 2018
Gofynion sifftio wedi'u bodloni? Ydynt

Pn(5)37 - Rheoliadau'r Gwasanaeth Iechyd Gwladol (Contractau Gwasanaethau Meddygol Cyffredinol) (Rhagnodi Cyffuriau etc) (Cymru) (Diwygio) 2013

Gweithdrefn: Negyddol arfaethedig

Mae'r Rheoliadau hyn yn diwygio Rheoliadau'r Gwasanaeth Iechyd Gwladol (Contractau Gwasanaethau Meddygol Cyffredinol) (Rhagnodi Cyffuriau Etc) (Cymru) 2004 (y Prif Reoliadau)

Mae'r Prif Reoliadau'n gwneud darpariaeth o ran y cyffuriau, meddyginiaethau neu sylweddau eraill y caniateir eu harchebu ar gyfer cleifion wrth ddarparu gwasanaethau meddygol o dan gontract gwasanaethau meddygol cyffredinol o fewn ystyr adran 42 o Ddeddf y Gwasanaeth Iechyd Gwladol (Cymru) 2006.

Mae'r Rheoliadau hyn yn cael eu gwneud o ganlyniad i ymadawiad y Deyrnas Unedig o'r Undeb Ewropeaidd (UE). Mae'r diwygiadau hyn i'r Prif Reoliadau'n angenrheidiol i gywiro cyfeiriadau'r UE i sicrhau bod modd parhau i weithredu'r Prif Reoliadau'n ar ôl i'r DU ymadael â'r UE. Yn benodol, mae'r Rheoliadau hyn yn newid cyfeiriadau at y "diwrnod ymadael" i "diwrnod cwblhau'r cyfnod gweithredu".

Cafodd y Rheoliadau hyn eu gosod at ddibenion sifftio o dan Ddeddf yr UE (Ymadael) 2018 yn unol â Rheol Sefydlog 27.9A.

Y Ddeddf Wreiddiol: Deddf yr Undeb Ewropeaidd (Ymadael) 2018
Gofynion sifftio wedi'u bodloni? Ydynt

Pn(5)38 – Rheoliadau Gwastraff (Cymru) (Diwygiadau Amrywiol) (Ymadael â'r UE) 2020

Gweithdrefn: Negyddol arfaethedig

Mae'r Rheoliadau hyn yn diwygio Rheoliadau Gwastraff (Cymru) (Diwygiadau Amrywiol) (Ymadael â'r UE) 2019 ("Rheoliadau 2019") i wneud newidiadau technegol angenrheidiol i sicrhau bod y ddeddfwriaeth a ddiwygiwyd gan Reoliadau 2019 yn parhau i weithredu'n effeithiol ar ôl i'r DU ymadael â'r Undeb Ewropeaidd. O ganlyniad i weithredu deddfwriaeth yr UE ers i Reoliadau 2019 gael eu gwneud, gan gynnwys diwygiadau i amrywiol



Gyfarwyddbau'r UE a wnaed o dan Becyn Economi Gylchol yr UE, nid yw'r darpariaethau cywiro a wnaed gan Reoliadau 2019 bellach yn mynd i'r afael yn llawn â'r diffygion yng ngweithrediad cyfraith yr UE a ddargedwir a fydd yn codi o ganlyniad i adael yr Undeb Ewropeaidd, ac y bwriadwyd iddynt eu cywiro.

Mae'r Rheoliadau hyn hefyd yn dirymu mân ddarpariaethau penodol yn Rheoliadau Gwastraff Peryglus (Cymru) 2005 a fydd yn peidio â gweithredu'n effeithiol ar ôl diwrnod cwblhau'r cyfnod gweithredu.

Mae Rheoliadau 2019 mynd i'r afael â methiannau cyfraith yr UE a ddargedwir i weithredu'n effeithiol, a diffygion eraill sy'n deillio o'r Deyrnas Unedig yn ymadael â'r Undeb Ewropeaidd. Mae'r diwygiadau hynny, i'r graddau y cânt eu diwygio gan y Rheoliadau hyn, yn ymwneud â Mesur Gwastraff (Cymru) 2010, Rheoliadau'r Cynllun Lwfansau Tirlenwi (Cymru) 2004, Rheoliadau Gwastraff Peryglus (Cymru) 2005 a Rheoliadau Targedau Ailgylchu, Paratoi i Ailddefnyddio a Chompostio (Monitro a Chosbau) (Cymru) 2011.

Cafodd y Rheoliadau hyn eu gosod at ddibenion sifftio o dan Ddeddf yr UE (Ymadael) 2018 yn unol â Rheol Sefydlog 27.9A.

Rhiant-Ddeddf: Deddf yr Undeb Ewropeaidd (Ymadael) 2018

Bodlonwyd Gofynion y Sifft: Ydynt

Pn(5)39 – Rheoliadau Bwyd a Materion Gwledig (Diwygiadau Amrywiol) (Cymru) (Ymadael â'r UE) 2020

Gweithdrefn: Negyddol arfaethedig

Mae'r Rheoliadau hyn yn gwneud diwygiadau i is-ddeddfwriaeth, sy'n gymwys o ran Cymru, ym maes bwyd a materion gwledig, er mwyn ymdrin ag unrhyw fethiant yng nghyfraith yr UE a ddargedwir i weithredu'n effeithiol a diffygion eraill sy'n deillio o ymadawiad y Deyrnas Unedig â'r Undeb Ewropeaidd, er mwyn adlewyrchu'r Protocol ar Iwerddon/Gogledd Iwerddon yn y cytundeb ymadael â'r UE, ac er mwyn gwneud darpariaeth drosiannol.

Cafodd y Rheoliadau hyn eu gosod at ddibenion sifftio o dan Ddeddf yr UE (Ymadael) 2018 yn unol â Rheol Sefydlog 27.9A.

Rhiant-Ddeddf: Deddf yr Undeb Ewropeaidd (Ymadael) 2018

Bodlonwyd Gofynion y Sifft: Ydynt

